



**ATASSUT**

**UPA 2016/85-1**

**Siverth K. Heilmann**

**29. 04. 2016.**

**Inatsisartut aalajangiiffigisassaattut siunnersuut, Naalakkersuisut peqquneqassasut kingusinnerpaamik UPA 2017-mi allannguutissamik siunnersuuteqassasut, Kalaallit Nunaannut suliffissarsiortut killilersimaarnissaat pillugu Inatsisartut inatsisaanni § 6 imm. 3-mi sulisitsisut atorfinitsitsinissamik qinnuteqartarnerisa kingorna ullut 14-it qaangiunneratigut kommune piffissap iluani aaliangiisimangippat, ingerlaannartumik atorfinitsitsinnaanerup atorunnaarsinneqarnissaa pillugu.**

(Inatsisartuni ilaasortaq Per Rosing-Petersen, Partii Naleraq)

Inatsisartuni ilaasortaq Per Rosing-Petersen, Partii Naleraq, siunnersuutaanut imatut ATASSUT-miit oqaaseqarfigissavarput.

Aalajangiiffigisassatut siunnersuut aatsaat maani inimi aamma eqqartorneqalinngitsoq soorunami aalajangiiffigisassatut siunnersuutip isummorsorfigeqqinnissaanut ATASSUT-miit qujarupparput, taamaattorli aamma oqaatigissallugu eqqaamasakka naapertorlugit siunnersuummut qulequtaq pillugu kommuune-nut tusarniutaasarernikummat.

Siunnersuuteqartoq ilumoorpoq Kalaallit Nunaanni avataaniit suliffissarsiortut killilersimaarnissaat pillugu inatsiseqarnerput. Nunaqavissunik sulisussarsiorneq aatsaat iluatsissinnaangippat avataanit tikisitsilluni qinnuteqarnikkut sulisussarsiorsinnaaneq periarfissaagaluartoq, taamaattoq ilaatigut malunnarsinnaasarpog, kommuunet Namminersorlutillu Oqartussat akornanni ullut 14-tanit piffissarititaasut iluanni, suleqatigiinnerup eqatalaarfigineqarnera pissutaalluni avataaniit tikisitsisarnerit annertusiartorsimasut.

Kommuune-ni suliffissarsiuussisarfinni, suliffissaaleqisutut nalunaarsorsimaffimmik suliffissaaleqisorlu sumi suliffeqarusunnera ilinniagaqarsimaneq

ilinniagaqarsimanninnermilluunniit aallaaveqartumi nalunaarsuiffeqartarpugut, ilaatigut sulisitsisut amigaateqarnerminni kissaataat aallaavigalugit pilerigisaminnik toqqaasinnaanerannik aqutissiuussiniartoqartaraluartoq. Taamaattorli sulisitsisoq narrusimappat, pissaaruttutut ullunilu 14-taninilu piffissarititaasup qaangiuppat, avataaniit tikisoqartarsimanissaa ilimanarnerulluni?

Taamanna periuseq atorneqartarsimappat pitsaanagerusumik qinikkatut aqutissiuussinissarput qulajaajaanissarpullu pisariaqassaaq. Oqaaseqartutummi aamma nalunngilara, nunatta iluani suliffeqarfinniik suliffissaaleqisut akornanni pissarsiornermi assersuutitut ilinniarsimasumik naleqqussinnaasumillu peqaraluartoq, tigujumaneqarneq ajortunik Aap suliffeqarfiit pinngitsaalisinnaanngilagut kikkut sulisorissallugit tigussaneraat, taamaattorli nunaqavissunik atorluarnissaannik kaammattuuteqartuarneq millisassanngilarput aammali suliffiup nuannersutut pilerinartuunissaanik, suliffigisamillu paarsilluartuunissatsinnik eqqaasinneqartuartariaqarpugut.

Nunarput namminiilivinnissamut angersimasooq, pisuussutitta uumassusillit uumaatsullu eqqarsaatigalugit, niuvernikkut, sulisartoqarnikkut, aningaasarsiornikkullu, massakkornit annertunerungaartumik pimoorussilluta aqutissiuussisariaqarpugut. Suliffissat oqaluinnarluta aallartinnavianngilagut, aallartikkusuttut aporfissalersuiinnarata aqutissiuuttariaqarpugut.

Ukiuni kingullerni inatsisartuni, allaaneq ajorpugut, suliffissaaleqinerup qaffasippallaarneranik appariarsimaneranniluunnii pillugit partiiniit ajugaaniuttartugut. Eqqaasissutigeqqissavara ALCOA-p Maniitsup qeqertaani, aatsitsiviliorniarsimanera ukiunilu 100 angullugit suliffinnik ataavartumik pilersitsiviusimagaluarpat, nunatsinni suliffissaaleqisut tamakkerlugilluunniit atoraluarutsigit amigarluinnarmata, avataaniik sulisussanik tikisitsinissaq avaqqunneqarsinnaanngilluinnarmat.

Assaat sulissapput, utoqqalisartut inuuneqqortusiartornerat ilutigalugu, sivisunerusumik sulerusuttut suliiinnarsinnaanerata aqutissiuukkusullugit inatsisartuni isummersortarpugut.

Aatsitassarsiornerinnarmiluunniit suliffiit aallartinneqarsinnaaneranut, apeqqutaaginnarpugut uvagut politikkerit inuussutissarsiornermi aningaasarsiornermilu politikkimik ersarissumik isummersortarnissarput.

ATASSUT-miit qulaani oqariartuutigut aallaavigalugit, siunissamut qaamasumut isumalluaqaagut, taamaattumik avataaniik sulisartunik amigaateqalernermi pisariaqartitsilernermilu, immitsinnut mattussuinnaveersaartariaqarpugut.

Suliffeqarfiit namminersortut pisariaqartitsisut aningaasarsiornerat, nunattalu aningaasanik isaatitsinissaanut aqutissiuussinissaq akimmiffisalersornaveersaarlugu oqallitta. Imaanngitsoq avataaniit suliffeqarfipiluunersuit aningaasaatilissuillu matumani illersorniarneqartut. suliffiit ataavartut pilersinnissaanut sapiissuseqarnerusariaqarnerput pikkorinnerusariaqarnerpullu ATASSUT-miit oqaatigeqqissavarput.

Taamatut oqaaseqarluta ..... Naalakkersuisut akissutaat suli takunnginnakku akuersissanerlunga itigartitsissanerlungaluunniit nalornigallarpunga.

Aaataa